



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

Titvlvs XLVIII. De Ecclesiis ædificandis vel Reparandis.

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

cognitio ab Episcopo fieri debet, ut vult
Trident. Sess. 25. in Decret. de invocat.
Et reliq. sanct. quia hac in re, quæ plu-
 rimum sæpius hæreticorum laudibus
 tur; cautè agendum vult Ecclesiæ.

TITVLVS XLVI.

DE OBSERVATIONE JEJUNIORUM.

Examinatur etiam hujus tituli mate-
 ria sufficienter à Theologia morali,
 cui ea relinquatur.

TITVLVS XLVII.

DE PURIFICATIONE POST PARTUM.

IN antiqua lege præceptum erat, de
 facienda post partum purificatione,
 post 40. vel 80. dies à partu, ante quod
 tempus non poterat templum ingredi
 puerpera: hodie tamen in nova lege
 Evangelica tale præceptum non extat,
 improbanda tamen devotio non est,
 ait Pontifex in *c. unic. b. 2. si quæ religio*
 quamdiu ob reverentiam, ab ingre-
 Ecclesiæ ante purificationem publicè
 etiam abstinere.

TITVLVS XLVIII.

DE ECCLESIIS ÆDIFICANDIS VEL
REPARANDIS.

§. I.

De Ecclesijs ædificandis.

Potest quidem quilibet in proprio
 fundo novam Ecclesiam ædificare,

duæ tamen conditiones illi observanda
 sunt. 1. ut per hoc alteri Ecclesiæ non
 inferatur præjudicium. 2. ut interve-
 niat legitimi superioris, Episcopi scilicet,
 si in loco non exempto ædificat, aucto-
 ritate

ritas vel consensus (saltem tacitus, & subsequens) etiam si persona exempta sit, quæ edificat; vel Summi Pontificis, si locus, in quo edificatur, exemptus sit, *can. nemo 9. dist. 1. de consec. c. ad hæc. 4. de religiosis domibus. c. auctoritate 4. §. prohibemus insuper de privilegiis in 6.* Imò intra fines alterius Parochiæ nova Ecclesia parochialis, cum consensu Episcopi, edificari potest, non quidem ob solam populi multitudinem, sed si nimia sit distantia pro divinis officiis, & Sacramentis, aut alia magnæ difficultates antiquam Ecclesiam parochialem frequentare facillè non permittant, ut constat *ex c. ad audientiam 3. b. t. vel in usum leproforum c. cum dicat. 2. b. t.* quia in his casibus urget necessitas, aut sanitas novam Ecclesiam parochialem.

§. II.

Quenam præter legitimam causam conditiones necessario requirantur ad construendam novam Ecclesiam parochialem.

1. **R**equiritur, ut in illo districtu, ubi nova Ecclesia parochialis erigenda est, saltem decem sint parochiani *arg. can. unic. caus. 10. q. 3. sunt. Gloss. verbo mancipia. 2.* ut fiat ab Episcopo cum consensu sui Capituli, quia circa reditus prioris Ecclesiæ fit alienatio quædam, aut certè unio unius Ecclesiæ cum altera, quæ nec ipsa sine consensu Capituli fieri potest, nisi in extruenda tali nova Ecclesia procedat Episcopus, ut delegatus Pontificis, in casu scilicet, in quo non potest, ut ordinarius, procedere, in loco v. g. exempto novam Ecclesiam edificando. 3. requiritur, ut

citentur & audiantur Rector Ecclesiæ matricis sive antiquæ, & quorum interest hæc scire, quamvis enim etiam illis invitis procedere possit Episcopus, ut constat & *cit. c. ex Tridentino*, non tamen illis non auditis, ob pleniorém scilicet informationem. 4. requiritur, ut Ecclesiæ novæ competens dos assignetur, pro sustentatione necessariorum ministrorum, & sumptibus necessarijs talis Ecclesiæ, ita tamen, ut dos ista ex redditibus Ecclesiæ antiquæ desumi possit, si abundantur illi aded sunt, ut utriusque Ecclesiæ tam antiquæ, quam novæ sufficiant, & nisi alius adsit, qui velit eam dotare, vel si redditus illi pro utraque Ecclesia non sufficiant, & nemo alius novam dotare velit, populus novæ Ecclesiæ ad necessaria subministranda ab Episcopo cogatur, vel illi prælati, quorum jurisdictioni hæc Ecclesia subest in temporalibus, aut in horum defectum Episcopus providebit, permittendo etiam parochio novo, ut proprijs manibus, ex honesto & statui suo conveniente artificio, sustentationem suam quarat. *can. 3. & 4. dist. 91. §. requiritur*, ut jus ad novam hanc parochiam præsentandi referretur illis, quibus de jure debetur, qui fundando scilicet, edificando, aut dotando Ecclesiam hanc erexerunt; vel si ex redditibus prioris Ecclesiæ dotatio, aut edificatio novæ Ecclesiæ facta est, Patronus erit, præter eum, qui fundam v. g. dedit, Ecclesia antiqua, aut ejus Rector, prout ex relato *c. ad audientiam* patet. 6. Requiritur, ut honor competens antiquæ Ecclesiæ servetur, vel certum censum in signum subjectionis eidem solvendo, vel

vel servando illi sepulturæ, baptismi, scruti-
nii &c. jus.

§. III.

*Quinam & ex quibus redditibus
teneantur Ecclesias reparare?*

Ecclésiæ parochiales de jure antiquo
inc. 1. & 4. h. t. & arg. c. si Episcopus 6. de off. ordi. in 6. ex redditibus suis ad fabricam deputatis reparari debent, si tales redditus habeant, vel si redditus tales non habeant, aut non habeant sufficienter, cogi debent Ecclesiarum talium Rectores, & beneficiati, ad contribuendum pro reparatione Ecclesiæ, si redditibus Ecclesiasticis fruuntur, & ultra sustentationem necessariam beneficiatis superfit: vel denique in defectum prædictorum parochiani, qui in talibus Ecclesijs divina percipiunt, non tantum plebei, sed etiam nobiles, cum omnibus Ecclesia illa servare debeat, & sentire onus debeat, qui commodum sentit. Si vero jus Tridentini attendere velimus Sess. 21. cap. 7. de reformat. hic ordo servandus est, ut parochialium Ecclesiarum, quamvis patronatæ sint, si reparari, & refici ea debeant, fiat reparatio ex fructibus & proventibus quibuscunque, ad easdem Ecclesias quomodocunque pertinentibus, quasi non sint sufficientes, omnes patroni, & alij, qui fructus aliquos ex dictis Ecclesijs provenientes percipiunt, concurrere tenentur, & in horum tandem defectum parochiani, quacunque appellatione, exemptione, & contradictione remotâ, cogendi sunt. In his tamen omnibus observari debet

consuetudo, quæ in primis inspectenda est, & tenenda: sicuti etiam circa illam quæstionem, quid nomine Ecclesiæ veniat, & utrum sub ea appellatione etiam veniat domus parochialis: id quamvis Patronus, qui fundavit, ædificavit, aut ædificavit Ecclesiam, ad contribuendum pro Ecclesiæ reparatione de jure non teneretur, nisi certam contributionem ab Ecclesia solvendam retuleret, uti facillè ex Tridentini verbis probari potest, attendenda tamen est consuetudo, hac etiam in quæstione.

§. IV.

*De mutatione Ecclesiæ secularis
in regularem, & definitionem
eiusdem.*

Quod Ecclesia collegiata secularis
mutari possit in aliam collegiatam
seu conventualem regularem cum con-
sensu ordinarij, modò canonicis sacro-
ribus, qui supersunt, nullum fiat pro-
dicium, ex c. ad audientiam s. h. t. &
alibi dictis patet, ac favor religionis, qui
strictior est, quam status clericali
secularium meretur. Destruuntur
non possunt Ecclesiæ (præsertim con-
secratæ sint) ut lapides & ligna illorum
ad profanos laicos usus applicentur. *cap. 1. de consecrat. Dist. 1. de consecrat. quod enim deo
Deo dicatum est, non est ad usus pro-
fanos ulterius transferendum arg. reg. 1.
de reg. in. in 6.*